



АКАФИСТ СВЯТОЙ БЛАЖЕННОЙ

КСЕНИИ ПЕТЕРБУРГСКОЙ

Кондак 1

Избранная угóдница и Христа́ ра́ди юро́дивая, / святáя блаже́нная ма́ти Ксе́ние, / избра́вшая по́двиг терпе́ния и злострада́ния, / хвале́бное пе́ние прино́сим ти, чту́щая святу́ю па́мь твою́. / Ты же заступи́ нас от враг ви́димых и неви́димых, да зове́м ти:// «Ра́дуйся, Ксе́ние блаже́нная, моли́твеннице о душа́х на́ших».

Икос 1

Равноа́нгельнаго жити́я взыска́ла еси́, блаже́нная ма́ти, по успе́нии му́жа твоего́ отве́ргла еси́ ми́ра сегó красоту́ и вся, я́же в нем: по́хоть очес, по́хоть плóти и го́рдость житейску́ю, юро́дством ра́зум Христов стья́ла еси́. Того́ ра́ди услы́ши от нас похвалы́, тебе́ возно́симья:

Ра́дуйся, жити́ем твои́м Андре́ю, Христа́ ра́ди юро́дивому ра́вная;

Ра́дуйся, и́мени своего́ отрэкшаяся, себе́ же умерше́й именовáвшая.

Ра́дуйся, в юро́дстве и́мя му́жа твоего́ Андре́я прия́вшая;

Ра́дуйся, и́менем му́жеским назва́вшись, не́мощи же́нской отрешившаяся.

Ра́дуйся, все и́мение твоё до́брым лю́дям и ни́щим разда́вшая;

Ра́дуйся, нищету́ доброво́льную Христа́ ра́ди прия́вшая.

Рáдуйся, вéка сего́ суемúдрия юрóдством твои́м
отверга́тися нас научи́вшая;

Рáдуйся, благáя утéшительнице всех, в моли́тве к тебе́
прибегáющих.

Рáдуйся, Ксéние блаже́нная, моли́твеннице о душа́х
на́ших.

Кондак 2

Видя странное твоё житиё, яко ты презрела еси́ дом свой и всякое мирское́ богатство, родны́е по плоти́ безумной ты полага́ху, лю́дие же гра́да Петро́ва, видя смире́ние твоё, нестяжа́ние и во́льную нищету́, воспели́ Бо́гу: Аллилу́иа.

Икос 2

Ра́зум, от Бо́га тебе́ да́нный, ты́, Ксе́ние блаже́нная, в мни́мом безумии скры́ла еси́; в суете́ гра́да вели́каго а́ки пусты́нница жила́ еси́, моли́твы Бо́гу свои́ вознося́ непреста́нно. Мы́ же, дивя́щися таково́му жити́ю твоemú, взыва́ем тебе́ хвале́бно:

Ра́дуйся, крест тяжкий юродства, от Бо́га тебе́ да́нный, на ра́ма свои́ прия́вшая;

Ра́дуйся, мни́мым безумием сия́ние благода́ти скрыва́вшая.

Ра́дуйся, дар прозорли́вости смире́нием кра́йним и по́двигом моли́твы стяжа́вшая;

Ра́дуйся, дар сей на по́льзу и спасе́ние стра́ждущих явля́вшая.

Ра́дуйся, страда́ния людскы́я прозорли́во в да́ли необозри́мей зрёвшая;

Ра́дуйся, женé до́брой о рождéнии сы́на прорéкшая.

Ра́дуйся, яко́ женé той у Бо́га ча́до испроси́вшая;

Рáду́йся, всех к Бо́гу в моли́тве прибега́ти научи́вшая.

Рáду́йся, Ксе́ние блаже́нная, моли́твеннице о душа́х
на́ших.

Кондак 3

Си́лою свѣше, от Бо́га тебе́ дарова́нной, зной и лю́ту стѹжу му́жественно претерпева́ла еси́, распина́я плоть свою́ со страстьми́ и похотьми́. Тем же Ду́хом Святы́м просвеща́емая, взыва́ла непреста́нно Бо́гу: Аллилу́иа.

Икос 3

Име́я, о блаже́нная, не́бо покро́вом себе́, зе́млю же ло́жем своим, отве́ргла еси́ плотоуго́дие Ца́рства Бо́жия ра́ди. Мы же, зря́ще таково́е твоё жити́е, со умиле́нием зове́м ти́:

Ра́дуйся, жили́ще своё земно́е лю́дям отда́вшая;

Ра́дуйся, небеснаго кро́ва взыска́вшая и получи́вшая.

Ра́дуйся, ничто́же земно́е иму́щая, а всех духо́вно богаты́ющая;

Ра́дуйся, жити́ем своим терпéнию нас навча́ющая.

Ра́дуйся, любовь Бо́жию лю́дям показу́ющая;

Ра́дуйся, плода́ми благоче́стия украше́нная.

Ра́дуйся, терпéние и незло́бие ми́ру яви́вшая;

Ра́дуйся, тёплая предста́тельница на́ша пред престоло́м Всевы́шняго.

Ра́дуйся, Ксе́ние блаже́нная, моли́твеннице о душа́х на́ших.

Кондак 4

Бурю житейскую, во граде Петрове мятущуюся, кротостию и незлобием преодолела еси, блаженная мати, безстрастие же к тленному миру стяжала еси. Тем же и поеши Богу: Аллилуиа.

Икос 4

Слыша о тебе, яко ты, злостражда Христа ради, скорбных утешаеши, немощных укрепляеши, заблудших на путь правый наставляеши, людие страждущия к помощи твоей прибегаху, воспевающе тебе:

Радуйся, путь Христов всем сердцем возлюбившая;

Радуйся, крест Христов радостно понесшая.

Радуйся, всякое поношение от мира, плоти и диавола претерпевшая;

Радуйся, даров Божиих преисполненная.

Радуйся, любовь к ближним явившая;

Радуйся, страждущим людям утешение подававшая.

Радуйся, слезу плачущих отиравшая;

Радуйся, благодатью Духа Святаго чудесно согреваемая.

Радуйся, Ксение блаженная, молитвеннице о душах наших.

Кондак 5

Боготѣчной звездою явилася святость твоѧ, Ксѣние блаженная, осветившая небосклон града Петрова. Уже бо людем, гибнущим в безумии греха, ты явила путь спасения, всех к покаянию призывая, во еже вопити Богу: Аллилуиа.

Икос 5

Видя подвиги твоѧ в молитве, терпении хлада и зноя, благочестивые люди пытахуся умалити страдания твоѧ, одежду тебе и пищу приносяще. Ты же вся сия нищим раздавала еси, желая в тайне подвиг свой сохранить. Мы же, дивяся вольней нищете твоей, взываем ти сице:

Радуйся, зной и стужу Христа ради добровольно терпевшая;

Радуйся, в молитве непрестанно пребывавшая.

Радуйся, град Петров всеночным бдением от бед ограждавшая;

Радуйся, гнев Божий многажды от него отвращавшая.

Радуйся, во все дни года ночами в поле молившаяся;

Радуйся, сладость райскую в нищете духовной вкушившая.

Радуйся, яко в сладости сей вся земная оставившая;

Радуйся, яко вся в Бозе пребывавшая.

Радуйся, Ксѣние блаженная, молитвеннице о душах наших.

Кондак 6

Проповѣдуютъ святость житія твоего, богоблаженная, вси избавленнии тобою отъ многоразличныхъ болѣзней, бедъ и скорбей, богатии и убозии, старцы и юныя. Темже и мы, прославляюще тя, Богу вопиемъ: Аллилуиа.

Икос 6

Возсияла слава подвиговъ твоихъ, блаженная мати, егда ты нощию строителемъ церкви Смоленской камни тайно носила еси, облегчая делателей церковныхъ. Сия вѣдуще, и мы грешнии зовемъ ти таковая:

Радуйся, тайно творити добродѣтели насъ научающая;

Радуйся, къ подвигомъ благочестия всехъ призывающая.

Радуйся, строителемъ храмовъ Божиихъ помогающая;

Радуйся, святость церковную возлюбившая.

Радуйся, труды наши на пути спасения облегчающая;

Радуйся, къ тебѣ прибегающихъ скорая помощница.

Радуйся, всемъ скорбящимъ благая утѣшительница;

Радуйся, града Петрова небесная заступница.

Радуйся, Ксение блаженная, молитвеннице о душахъ нашихъ.

Кондак 7

Хотя́ изба́вити от ско́рби пла́чушаго врача́, жену́ хорони́вшаго, ты повелела́ не́коей деви́це на О́хту бежа́ти и та́мо му́жа себе́ обрести́ и утэ́шити. И соверши́шася та́ко, я́коже ты рекла́ еси́. Они́ же в ра́дости воспéша Бо́гу: Аллилу́иа.

Икос 7

Но́вое чу́до в моли́тве своéй показала́ еси́ ты, блаже́нная ма́ти, егда́ рекла́ еси́ женé благочести́вой: “Возьми́ пята́к, поту́хнет”. Сим прорекла́ ей о пожа́ре до́ма ея́. И по моли́тве твоéй пла́мень огня́ угасе́. Мы же, ве́дяще сия́, вопие́м ти похва́льная:

Ра́дуйся, ско́рби людски́я угаша́ющая;

Ра́дуйся, дерзнове́ние пред Бо́гом за стра́ждущих яви́вшая.

Ра́дуйся, свече́ неугаси́мая, в моли́твах к Бо́гу я́рко горя́щая;

Ра́дуйся, предста́тельница на́ша в беда́х и напа́стех.

Ра́дуйся, страстьми́ одержи́мых от ги́бели спаса́ющая;

Ра́дуйся, благочести́вых дев от бра́ка неверна́го отвраща́ющая.

Ра́дуйся, клевето́ю уязвленных от отча́яния избавля́ющая;

Рáдуйся, на судé непра́веднем ско́рая защи́тница.

Рáдуйся, Ксе́ние блаже́нная, моли́твеннице о душа́х
на́ших.

Кондак 8

Страницей бездомней прошла еси путь жизни твоей в стольном граде отечества нашего, в велицем терпении скорби и поношения неся. Ныне же в горнем Иерусалиме пребывая, в радости поёши Богу: Аллилуиа.

Икос 8

Всем вся была еси, Ксение блаженная: скорбящим утешение, немощным покров и защищение, печальным радование, нищим одеяние, болящим исцеление. Сего ради и вопием тебе:

Радуйся, в горних, обителях пребывающая;

Радуйся, о нас грешных тамо молящаяся.

Радуйся, благий образ служения Богу явившая;

Радуйся, униженных и гонимых покровительница.

Радуйся, Православный люд молитвами твоими заступающая;

Радуйся, обидимых и молящихся тебе защищающая.

Радуйся, обидящих вразумляющая;

Радуйся, неверных и глумителей посрамляющая.

Радуйся, Ксение блаженная, молитвеннице о душах наших.

Кондак 9

Всякія претерпела еси́ болѣзни, блаженна́я ма́ти, нищету́ телѣсную, глад и жа́жду, ещѣ же и поноше́ние от люде́й беззако́нных, и́же мня́ху тя безу́мной бы́ти. Ты же, Го́споду моля́ся, вы́ну взыва́ла Ему́: Аллилу́иа.

Икос 9

Ветія́ многовещанна́я не мо́гут разумѣти, ка́ко ты безу́мием своимъ безу́мие ми́ра сего́ обличила еси́ и немо́щию своею́ посрами́ла еси́ кре́пкія и му́дрыя. Не ве́дают бо в тебе́ Бо́жией си́лы и Бо́жией прему́дрости. Мы же, по́мощь твою́ получи́вше, поём ти такова́я:

Ра́дуйся, Божѣ́ственнаго Ду́ха носите́льнице;

Ра́дуйся, со апо́столом Па́влом немо́щию своею́ хвали́вшаяся.

Ра́дуйся, мни́мым безу́мием своимъ мир обличив́шая;

Ра́дуйся, красоту́ ве́ка своего́ спасе́ния ра́ди отве́ргшая.

Ра́дуйся, небѣ́сная бла́га всем се́рдцем возлюбив́шая;

Ра́дуйся, на путь спасе́ния нас призыва́ющая.

Ра́дуйся, во грехѣ́ пия́нства гро́зная обличите́льнице;

Ра́дуйся, безме́здным враче́м и ми́лостивым всемъ бы́вшая.

Ра́дуйся, Ксе́ние блаженна́я, моли́твеннице о душа́х нашихъ.

Кондак 10

Хотя спасти́ ду́шу, ты плоть свою́ со страстьми́ и похотьми́ распяла еси́ и, невозвратно себя́ отве́ргши, крест свой на ра́ма своя́ возложи́ла еси́ и Христу́ всем се́рдцем последовала еси́, поя́ Ему́: Аллилу́иа.

Икос 10

Стена́ еси́ твёрдая и прибе́жище необори́мое яви́лась моля́щимся тебе́, ма́ти Ксе́ние. Тем же заступай и нас от враг ви́димых и неви́димых моли́твами твои́ми, да зове́м ти:

Ра́дуйся, на труд духо́вный нас воздвигáющая;

Ра́дуйся, от сетей вра́жиих нас избавля́ющая.

Ра́дуйся, фимиа́м кади́льный, Бо́гу приноси́мый;

Ра́дуйся, мир Бо́жий в сердца́ людей принося́щая.

Ра́дуйся, дух зло́бы в сердца́х озло́бленных угаша́ющая;

Ра́дуйся, дете́м благим́ благослове́ние подаю́щая.

Ра́дуйся, та́йною моли́твою их от боле́зней исцеля́ющая;

Ра́дуйся, ми́ру озло́бленному́ му́дрость Бо́жию яви́вшая.

Ра́дуйся, Ксе́ние блаже́нная, моли́веннице о душа́х на́ших.

Кондак 11

Пѣние хвалѣбное приносят ти, Ксѣние блаженная, спасшиися твоими молитвами от бед и скорбей, и всяких напастей, и купно с тобою радостно поют Богу: Аллилуиа.

Икос 11

Светозарным светом явилось житие твое, святая мати, во мраке жития сего освещающим люди. Ты бо падших из тины греха избавила еси и к свету Христову направила еси путь их. Темже и зовем ти:

Радуйся, Православных людей Божиим светом просвещающая:

Радуйся, Христова угодница, в мире надмирно пожившая.

Радуйся, труды многими великую благодать стяжавшая;

Радуйся, во тьме греха благодатию Божиею сиявшая.

Радуйся, отчаявшимся на пути спасения руку помощи подающая;

Радуйся, немощных в вере укрепляющая.

Радуйся, духов злобы посрамляющая;

Радуйся, житием своим Ангелов удивившая.

Радуйся, Ксѣние блаженная, молитвеннице о душах наших.

Кондак 12

Благода́ть оби́льно исто́чаеши, Ксе́ние блаже́нная, на
чту́щих па́мь твою́ и прибега́ющих к покрову́ тво́ему.
Темже и нам, тебѣ моля́щимся, исто́чи от Бо́га стру́и
исцелѣ́ния, да зове́м Е́му: Аллилу́иа.

Икос 12

Пою́ще мно́гая чуде́са́ тво́я, блаже́нная ма́ти,
восхваля́ем тя и всеу́сердно мо́лим, не оста́ви нас грѣ́шных
в ско́рбных обстоя́ниях, но умоли́ Го́спода сил, да не
отпаде́м от ве́ры на́шея правосла́вныя, в Нем же тобо́ю
утвержда́еми зове́м ти:

Ра́дуйся, сострада́ти стра́ждущим нас науча́ющая;

Ра́дуйся, немо́щи на́ша всеу́сердно врачу́ющая.

Ра́дуйся, распина́ти плоть со страстьми́ и похотьми́
науча́ющая;

Ра́дуйся, о чту́щих па́мь твою́ хода́таице и
покрови́тельнице.

Ра́дуйся, ско́рбный путь проше́дшая;

Ра́дуйся, спасѣ́ние вѣ́чное сим улучи́вшая.

Ра́дуйся, ко гробу́ тво́ему притека́ющим отра́ду
пода́ющая;

Ра́дуйся, о спасѣ́нии Оте́чества на́шего при́сно
хода́тайствующая.

Ра́дуйся, Ксе́ние блаже́нная, моли́твеннице о душа́х
на́ших.

Кондак 13

О, святая блаженная мати Ксение, / в житий твоём
крест тяжкий понёсшая! / Приими от нас, грешных,
моление сие, к тебе приносимое: / оградь нас молитвами
твоими от наветов духов тьмы и всех, мыслящих нам злая. /
Умоли всещедрого Бога подати нам силу и крепость, / да
каждо от нас возьмет крест свой и во след Христу грядёт,
поя Ему с тобою: // Аллилуиа, аллилуиа, аллилуиа.

Этот кондак читается или поётся трижды,
затем Икос 1 и Кондак 1.

Икос 1

Равноангельного жития взыскала еси, блаженная
мати, по успении мужа твоего отвергла еси мира сего
красоту и вся, яже в нем: похоть очес, похоть плоти и
гордость житейскую, юродством разум Христов стяжала
еси. Того ради услыши от нас похвалы, тебе возносимыя:

Радуйся, житием твоим Андрею, Христа ради
юродивому равная;

Радуйся, имени своего отрешаяся, себе же умершей
именовавшая.

Радуйся, в юродстве имя мужа твоего Андрея
приявшая;

Рáдуйся, и́менем му́жеским назва́вшись, не́мощи
же́нской отрешíвшаяся.

Рáдуйся, все и́мение твоё до́брым лю́дям и ни́щим
разда́вшая;

Рáдуйся, нищету́ доброво́льную Христа́ ра́ди прия́вшая.

Рáдуйся, ве́ка сегó суему́дрия юро́дством твои́м
отверга́тися нас научíвшая;

Рáдуйся, благáя утешительнице всех, в моли́тве к тебе́
прибегáющих.

Рáдуйся, Ксе́ние блаже́нная, моли́твеннице о душа́х
на́ших.

Кондак 1

Избра́нная уго́дница и Христа́ ра́ди юро́дивая, / свята́я
блаже́нная ма́ти Ксе́ние, / избра́вшая по́двиг терпе́ния и
злострада́ния, / хвале́бное пе́ние прино́сим ти, чту́щая
святу́ю па́мь твою́. / Ты же заступи́ нас от враг ви́димых и
невидимых, да зове́м ти: // «Рáдуйся, Ксе́ние блаже́нная,
моли́твеннице о душа́х на́ших».

Молитва первая

О, святая всеблаженная мати Ксение! Под покровом Всевышняго жившая, ведомая и укрепляемая Богоматерию, глад и жажду, хлад и зной, поношения и гонения претерпевшая, дар прозорливости и чудотворения от Бога получила еси и под сению Всемогущаго покоишися. Ныне святая Церковь, яко благоуханный цвет, прославляет тя. Предстояще на месте твоего погребения, пред образом твоим святым, яко живей ти, сущей с нами, молимся ти: приими прошения наша и принеси их ко престолу милосердаго Отца Небеснаго, яко дерзновение к Немю имущая, испроси притекающим к тебе вечное спасение, на благая дела и начинания наша щедрое благословение, от всяких бед и скорбей избавление. Предстани святыми твоими молитвами пред Всемилостивым Спасителем нашим о нас, недостойных и грешных.

Помози, святая блаженная мати Ксение, младенцы светом святого крещения озарити и печатью дара Духа Святого запечатлети, отроки и отроковицы в вере, честности, богобоязненности воспитати и успехи в учении им даровати; болящия и недугующия исцели, семейным любовь и согласие ниспосли, монашествующих подвигом добрым подвизатися удостой и от поношений огради, пастыри в крепости Духа Святого утверди, народ и страну нашу в мире и безмятежии сохрани, о лишенных в предсмертный час причащения Святых Христовых Таин умоли. Ты наша надежда и упование, скорое услышание и избав-

лѣние, тебѣ благодарѣние возсылаѣм и с тобою славим Отца́ и Сы́на и Свята́го Ду́ха, ны́не и прѣсно, и во ве́ки веко́в. Ами́нь.

Молитва вторая

О, препрѣстая образом житія́ своего́, бездо́мная на земли́, наслѣднице же обителѣй Отца́ Небѣснаго, блаже́нная страннице Ксе́ние! Якоже прѣжде к надгробію твоему́ недужнии и скорбнии припадавшии и абие утѣше́ніями исполняемии, си́це ны́не и мы [имена], обуреваемии тлетворными обстояніи, тебѣ прибегающе, с надеждою просим: помоліся, благая небошественнице, дабы́ исправилися стопы́ наша по словесі́ Господню к дѣланию заповедей Его́, и да упразднітся богоборное безбо́жие, пленившее град твой и страну́ твою́, повергающее нас, многогрѣшных, в смѣртное братоненавидѣние, гордое самовозбешѣние и хульное отчаяние.

О, блаженнейшая Христа́ ради, посрамившая суетную́ мудрость вѣка сего́, испроси́ у Творца́ и Подателя́ всяческих благ даровати нам смиренія, кротости и любве́ в сокровище сѣрдца нашего́, вѣры в укрепленіе молитвы, надежды в покаяніи, крѣпости в многотрудном житіи́, милосѣрдаго исцеленія души́ и тѣла нашего́, целомудрія в супружестве и благопопеченія о ближних и искренних своихъ, всего́ житія́ нашего́ обновленіе в очистительней бане покаянія, яко да всехвально воспевающе пѣмъ твою́, прославим в тебѣ чудодѣйствующаго, Отца́ и Сы́на и

Святаго Духа, Троицу Единосущную и Нераздельную во веки веков. Аминь.

Молитва третья

О, преславная святая блаженная мати наша Ксение, теплая о нас пред Богом молитвеннице! Якоже прежде к надгробию твоему припадавшии, сице ныне и мы по прославлению твоём к мощём твоим прибегающе, просим: помолися Господу, да освятит наши души и телеса, да просветит ум, очистит совесть от всякия скверны, нечистых помыслов, лукавых и хульных умыслений и от всякаго превозношения, гордости же и кичения, высокоумия же и дерзости, от всякаго фарисейскаго лицемерия, и от всякаго студнаго и лукаваго обычая нашего; да дарует нам искреннее покаяние, сокрушение сердец наших, смиренномудрие, кротость же и тихость, благоговение, разум же духовный со всяким благоразумием и благодарением. Утаившая себе от мудрых века сего, но Богу знаемая, испроси же стране нашей Российстей от бед лютых избавление, всего нашего жития обновление и исправление, соблюди нас во всяком благочестивом православном исповедании веры христианския, яко да ублажающе тя сподобимся во вся дни воспевати, благодарити и славити Отца и Сына и Святаго Духа, Троицу Единосущную, Животворящую и Нераздельную во веки веков. Аминь.

Молитва четвёртая

О, святая угодница Божия блаженная Ксения! Призри милостиво твоим оком на нас, раб Божиих [имена], честней твоей иконе умильно молящихся и просящих у тебе помощи и заступления. Прости ко Господу Богу нашему теплая твоя молитвы и испроси душам нашим оставление прегрешений. Се бо мы сердцем сокрушенным, и духом смиренным тебе ходатаицу милостивую ко Владыце и молитвенницу за ны, грешныя, призываем, яко ты прияла еси от Него благодать молиться за ны и от бед избавляти. Тебе убо просим, не презри нас недостойных, молящихся тебе и твоей помощи требующих, и исходатайствуй всем вся ко спасению полезная, яко да твоими ко Господу Богу молитвами получивши благодать и милость прославим всех благих Источника и Дароподателя и Бога Единого, в Троице Святей славимаго. Отца и Сына и Святаго Духа, ныне и присно и во веки веков.